

Naalakkersuinut ilaasortat akisussaanerat pillugu inatsisartut inatsisaata allangortinnera pillugu Inatsisartut inatsisaat (Kingunerisaanik iluarsinerit)

§ 1

Inatsisartut inatsisaanni nr. 6, 13. maj 1993-imeersumi inatsisartunut ilaasortat akisussaaneranni imatut allannguisoqarpoq:

1. Inatsisip taaguutaa imatut oqaasertaliorneqarpoq:

"Naalakkersuisunut ilaasortat akisussaanerat pillugu Inatsisartut inatsisaat"

2. § 1-ipqallunaatuani "landsstyreformandens og landsstyremedlemmernes" imatut allangortinneqassaaq "naalakkersuisutformandens og naalakkersuisutmedlemmernes".

3. § 2-ip qallunaatuani "Første afsnit" imatut allangortinneqassaaq "Første del".

4. § 6, *imm.* 1-ip qallunaatuani "landstingsloven om landstinget og landsstyret" imatut allangortinneqassaaq "Inatsisartutlov om Inatsisartut og Naalakkersuisut".

5. Qallunaatuani tamarmi "Landsstyret" imatut allangortinneqassaaq "Naalakkersuisut", aamma § 11, *imm.* 1- ip qallunaatuani "landsstyremedlems" imatut allangortinneqassaaq "naalakkersuisutmedlems".

6. Qallunaatuani tamarmi "landstinget" imatut allangortinneqassaaq "inatsisartut" aamma "landstingets" imatut "inatsisartuts".

7. § 9-mi "Pinerluttulerinermik inatsimmi § 30" imatut allangortinneqassaaq "Pinerluttulerinermik inatsimmi § 55".

8. § 11, *imm.* 2-mi, "Kalaallit Nunaata Eqqartuussivia" imatut allangortinneqassaaq "Kalaallit Nunaanni Eqqartuussivimmi".

§ 2

Inatsisartut inatsisaat ulloq 1. december 2011-mi atuutilissaaq.

Namminersorlutik Oqartussat, 22. november 2011

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut